

Powšitkowne WOZJEWJENJA

njedźelu, 25. septembra 2016

Nyšpor z požohnowanjom konjacych zapřahow

Towarstwo Cyrila a Metoda, sekcija wěda a skutk, přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže tutu njedźelu, 25. septembra, w 14 hodź. w Chrósćicach na łuce při Hatkach. Wšitcy su wutrobnje přeprašeni.

Duchowna hudźba w tachantskej cyrkwi

20. chórowy koncert Katolskeho tachantskeho chóra z Cecilijowej odi Henrya Purcella budže tutu njedźelu, 25. septembra, we 18 hodź. w Budyskej tachantskej cyrkwi. Wumělski nawod změje cyrkwinski hudźbny direktor Friedemann Böhme. Wšitcy su wutrobnje přeprašeni.

Diskusija dla stracha wo okcident

Wostanje okcident křescanski abo hrozy strach, zo změja města w Němskej wjace minaretow hač cyrkwinych wěžow? Kak němscy měli wukrajnicy być, zo bychu w Němskej žiwi być směli? Tutymaj a dalšim prašenjam wěnujetej so prezident Centralneho komiteja katolikow Němskeje (ZdK), profesor dr. dr. Thomas Sternberg, z Bonna a dr. Alexander Gauland z Podstupima, člon předsydstwa AfD wutoru, 27. septembra, w 19 hodź na diskusiji, kotruž zarjadowuje Katolska akademija w Drježdžanskim Domje katedrale, Schloßstraße 24. Moderator budže Joachim Frank z Kölna, šefkorespondent medijoweje skupiny DuMont a předsyda Zwjazka katolskich publicistow Němskeje. Zajimcy měli so najpozdžišo hač do tuteje njedźele, 25. septembra, pola Katolskeje akademije přizjewić, pak pod info@ka-dd.de abo www.facebook.com/KatholischeAkademieDresden.

Kemše zaso po starym porjedže

W Róžeńce budu wot přichodneje njedźele, 2. oktobra, Bože mšě zaso po porjedže kaž do lětnjeje přestawki: w 9 hodź. w serbskej a w 10.30 hodź. w němskej rěči.

Róžeńčansku cyrkej wurjedzić pomhać

Klášter Marijina hwězda prosy wo pomocnikow, zo by so Róžeńčanska hnadowna cyrkej wurjedzić móhła. Planowana je akcija srjedu, 28. septembra, wot 15 hodź. Štóž móže jeničce zašo přińć – tež dopołnja –, njech so z domownikom Ambrožom Nawku, telefonowe čisło (03 57 96) 9 74 11, skontaktuje.

****Je so ći wulět dekanatneje młodžiny lubiř?***

Maš lóšt tajke akcije kaž wulět a druhe zhromadnje z dalšimi młodostnymi planować, swójske ideje zwoprawdźić, nowych ludži zeznać a swoje kmanosće derje zasadźeć? Da přińdź do dekanatneho kružka! Smy tuchwilu 19 młodostnych ze wšěch serbskich wosadow. Zetkawamy so něhdže jónu wob měsac (to wotwisuje wot toho, kotre zarjadowanja planujemy). Jelizo maš lóšt a chceš hišće wjace wo deka-kružku a jeho džěle zhonić, potom přizjew so cyle jednorje ☺! Tež twoji přećeljo su lubje witani. Kontakt: přez facebook abo [m@il: don.boskowy-dom@t-online.de](mailto:m@il:don.boskowy-dom@t-online.de), telefonowe čisło (03 57 96) 9 55 95.

„Po řeči lubosće žiwy być“ – Serbske eksercicije

Za čim žedžimy drje w našim času bóle hač za dorozumjenjom a pokojom? A zdobom zdawa so někotremužkuli ćežko, měř a pokoj nańć a so wujednać – hač we wulkej politice abo doma, hač na džěle abo w towaršnosći. Tež w cyrkwi nazhoniš druhdy, zo so bóle porno sebi abo samo přećiwnje hač zhromadnje džěła. Samo cyrkwinska wzajomosć zda so či druhdy, zo njeje přeco „jedneje wutroby a jedneje duše“, kaž rěka w Japoštołskich skutkach (Japsk 4,32). Z konfliktow, kotrež wobstejachu w přěnich wosadach, zamóžemy wuknyć. Serbske eksercicije, kotrež so z tutej tematiku zaběraja, wotměja so wot pjatka, 28. oktobra, we 18 hodź. do njedźele, 30. oktobra, po wobjedže w eksercicijnym Domje Wysoke duby w Drježdžanach. Dny rozpominanja a modlenja změja hesło „Po řeči lubosće žiwy być“. – Přizjewić měli so zajimcy pak w Chrósćicach na farje, telefonowe čisło (03 57 96) 8 04 00, pak w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10 abo z mailku na adresu info@haus-hoheneichen.de.

Pater Willi Lambert SJ

Oratorij zaklinči w Chrósćicach

Duchowny oratorij „Serbski rekwiem“ wot Korle Awgusta Kocora, zestajeny na zakładže wujimkow z biblije, předstaji so njedźelu a pónđzelu, 2. a 3. oktobra, we 18 hodź. w Chróšćanskej cyrkwi. Pod wumělskim nawodom mjezynarodnje skutkowaceje serbskeje dirigentki Judith Kubicec spěwa chór Lipa z Pančic-Kukowa a hudži Komorny orchester Sinfonietta z Drježdžan. Solisća budu Daniela Hazec (sopran), Stephanie Hauptfleisch (alt), Patrik Horňák (tenor) a Johannes Hochrein (bas). Wšitcy su wutrobnje do Chrósćic přeprošeni.